

能擁有你嗎？哪怕只有一天

作者: 雨曦

Powered by [紙言](#)

一 相遇

我叫林允，一個普通中學生，唯一唔普通就係發育比人過盛左小小咁囉，就係因為咁我一入呢間學校就成為左焦點咁。就係中三個一年，遇到佢，我呢生最難忘既一個人，係永遠唔會忘記既一個人。

中三，係我唯一一年唔係讀精英班，就係為左係中學生涯留一個美好回憶，但開學既一日發現呢班啲人我好似唔多識嫁喎。

就係我觀察緊呢班既時候，有個人坐左係我隔離個位。

Andy: 呢個咪大波？唔係話自己讀書好叻嫁咩，做咩係呢班既哈哈

無錯，大波熙係我由中一到而家既花名，由來唔洗解釋啦。呢個Andy係我之前精英班識既一個男仔，算係同我最熟既一個異性，把口都幾賤下，不過份人幾好玩，幾守得秘密，亦唔會發脾氣，任玩唔撚。

我: Andy哥你係咪笑緊自己吖，你好似都係呢班嫁喎。

你串我，我串你就係我地之間既相處方式，同佢仲傾得埋過啲女人，但係奇怪在我地從來唔會對大家有任何感覺，呢啲可能就係所謂既男女純友誼掛。

而坐我後面既，估都估唔到就係個個令我一世都記得既人。

二 認識

到左開學既第三日，已經係正式上堂，突然上上下下堂，我感覺到有人篤我背脊，自然反應就緊係擰轉去後面啦，而佢就開口同我講左第一句野，就係呢句，開始左我地既關係。

佢: 你點解咁大既？你好中意飲木瓜奶嫁？

我心諗: 呢條友係咩料，我同你三九唔識七，問我呢啲係咪痴線嫁

於是我就串左佢一句:

第一句就問我呢啲你都幾直接啫，另外我想同你講我唔食木瓜亦唔飲牛奶，我全家女人都係大既，呢個答案你滿意未？解答到你問題未？

佢: 果然同我之前見到既林允熙一樣，都係咁冷淡。

我: 我好似唔識你嫁啫，你點知我性格係點。

佢:

我叫何逸霖，我之前已經成日係學校見到你，成日見你黑面咁，所以咪諗住識下你，睇下你係咪真係咁冷淡。

我: 原來你就係何逸霖，我仲以為係我地級邊個傻仔黎。

就係咁，我同佢識左，慢慢愈來愈熟，上堂傾到忘晒型咁，而我亦都唔知道，到最後我竟然會咁中意眼前呢個人。

三 互相幫忙

開左學都成三個月喇，我地班主任miss ho就突然話調位喇。

Miss ho:你地班人實在太嘈喇，唔得再咁坐喇，聽日你地就跟新座位表坐啦，係咁先。

果然係全校出晒名既煩膠老師第一名，全班聽到真係不禁心入面幾廿百句粗口加白眼無限個。

我:聽日就無得同我坐喇，有無唔捨得先？無我呢個可愛動人既女仔坐你附近，係咪好傷心呢？

何逸霖:下，我係咪聽錯呀？可愛動人邊個呀？你唔係講緊你呀？你中文有待改善啲，個醜字都唔識寫既。

我心諗:依家我好差咩，其實我真係幾唔捨得呢個位既。

而我地學校逢星期二下就唔洗上堂，有個叫做活動課既野，總知就係又唔同組嫁啦，而我就係長跑隊既，依家諗返都覺on9，之前因為中意個個男仔係呢組，自願就調左去呢度，依係呢組我一個frd都無，又要每個星期行去附近個球場跑，真係劫到死。好彩咁岩後來發現有個同班既男仔，佢就叫做林維軒，何逸霖個死黨。

林維軒:你都係長跑隊嫁？之前唔見你既？

我:係呀，我今年先調黎，原來你都係嫁。

其實我都算識佢既，f1同過班不過無乜幾句咁，個樣係就係呆左啲，不過份人係幾好既，好識照顧人，不過後來先發覺佢都幾中意身體接觸下。由個日開始，我就每個禮拜二食完飯就會見佢同我一齊去長跑隊，而我地都愈來愈frd，我亦都開始對佢有啲感覺。

雖然調左位，不過我同何逸霖都依然有傾計既，原因就係有求於大家，就係幫大家追自己個frd。何逸霖一直都好想追我個frd小欣，小欣係一個矮矮地qq地既一個女仔，好多男仔都追過佢，不過佢都幾難追到手嫁，聽講何逸霖f1已經追過小欣，不過小欣同我講當時見佢成個on9仔咁緊係唔受啦，不過f3既何逸霖就好似個時好多男仔既頭髮咁---菇頭。

而我就開始對林維軒有好感，於是我同何逸霖就開始我地既大計，我就係小欣面前提何逸霖多啲，佢就係林維軒面前提我多啲，無幾耐，我地緊係雙方都成功左啦，而我地就係好相反既兩對情侶，何逸霖就係同全世界講小欣係佢女朋友個種，林維軒就係中意地下情個種，其實我好想公開我地既關係，不過佢係學校都好避忌，直到有一日比人地見到我地一齊放學就比全班傳開左喇。

到拍左一個禮拜左右，小欣突然發現何逸霖仲有同佢前度聯絡，佢就同我講

小欣:何逸霖竟然仲有同小寧聯絡，佢當我呢個女朋友死嫁，佢九成仲中意佢啦。

小寧就係陳曉寧，何逸霖前度，f2一齊過，後來何逸霖就比佢飛左喇。佢仲有個frd叫做尹雨儀，呢個亦都係我同小欣既共同仇人。

我:唔會掛，我都發現呢排林維軒同尹雨儀玩得好埋，佢地真係當我地女朋友無到啲。

小欣:不如我地邊個分左手，另一個都同自己男朋友分手啦，共同進退。

其實我聽到個下都呆左一下，不過到最後我都係應承左小欣。

點知呢個就係無得挽回既決定。

四 第一次嘈交

由我同小欣做左個約定之後個禮拜，佢就開始對何逸霖冷淡，我就同林維軒相安無事，不過佢就對我異常熱情，好似做錯左野要補救返咁，佢不嬲都唔會叫我bb，因為我地從來都唔會叫任何暱稱，不過當時我地無論咁多。就係平安夜個晚，我地見到一張令我地心灰意冷既相。

係平安夜個晚，我同小欣都留左係屋企，無錯我地既男朋友都無約到我地，而我地就係ig見到尹雨儀po既一張相，見到佢係尖沙咀倒數，而相中有5個人--尹雨儀，陳曉寧，何逸霖，林維軒，仲有我地同班既一個男仔黃俊。

我見到呢張相我第一時間sd比小欣，佢同我講佢已經見到，其實呢個場景係我前一晚既夢出現過，結果，實現左。雖然我地兩個都好嬲，不過我地無過問太多。

過左12點，我sd左whatsapp比林維軒，我扮到無事咁講
"聖誕快樂呀男朋友，呢個係我地第一個聖誕節，希望之後可以有更多個聖誕，呢個冬天有你係度好溫暖。"

佢到朝早先覆返我，我見到個下即刻驚訝左，佢講
"我地不如分手啦，你係一個好好既女仔，你值得搵一個更加好既男仔，只怪我唔識珍惜你，我唔適合你，你搵一個更適你嫁啦，對唔住。"

我之後開始不斷嘈，我係咁問佢係咪因為尹雨儀，佢無答我只係同我講對唔住。我同小欣講我地分左手。

小欣:咁突然既，估唔到林維軒睇落傻下傻下係啲咁既人，真係賤。

你問我有無喊？我無。比起唔開心，我諗我係嬲同唔甘心多啲。係兩個鐘之後，小欣同我講

小欣:我同何逸霖分左手喇，我地講過嫁嘛。

我:對唔住連累埋你。

小欣:傻啦，我其實唔係咁中意何逸朗既，係見你有拖拍先同佢一齊既。同埋佢做得就預左要有呢個下場。

係呢刻，我唔想講任何野，因為可怕既並唔係分手，而係我同佢係同班，活動課同一組。

到放完假返學，何逸霖就問我點解小欣同佢分手。

我:你做左啲咩心知肚明啦，仲敢問我？

何逸霖:我同佢地倒個數姐，又唔係單獨，有咩好嬲呀？

我:無野好嬲？你前度都係度嗰，你地去倒數有無諗過你地既女朋友嫁？我同林維軒分左手喇，滿意啦？

何逸霖:你同呀軒分左手？咁關我同小欣咩事呀？

我:唔怕同你講埋喇，我同小欣有個約定，係其中一個同男朋友分左手，另一個都會同自己男朋友分手。

何逸霖呆左，之後話

何逸霖:你地係咪痴左線？咁既約定都講得出，你分左手又關我咩事，無野搵野黎玩。

我心諗:其實呢個約定係小欣諗既，依家你覺得全部都係我既問題，我都唔想解釋喇。

就係咁，我地第一次嗌交，就係佢既無理取鬧，我同小欣既約定造成既。

五 重拾希望卻又突然收回

就係白色情人節前一日放學，我同小欣仲有兩個c班既女仔，其中一個叫凌詩，另一個叫文珊，四個人一齊係文珊屋企玩truth or dare。

凌詩:不如我地襯今日搵返自己既前男友，問佢可唔可以一齊返，聽日白色情人節一齊過。

係呢一段時間，我地各自都同男朋友分左手，亦都好唔捨得，於是我地就各自寫左自己前度既名係紙度，抽到邊個名就要幫個個人同返前度一齊。

我抽到既係小浩，文珊既前度。文珊抽到既就正正係我既前度林維軒。但由於文珊同林維軒唔熟，凌詩就代佢幫我同林維軒講。小欣抽到既就係凌詩既前度，小文。至於小欣前度？因為一直何逸霖都仲中意佢，所以小欣一開口，佢地就可以一直返嫁喇。不出所料，小欣係呢日搵返佢，佢地就一齊返，仲係白色情人節約左出黎一齊過。不過無幾耐又分左手。

至於我地其他三個，果然都係單身，各自前度都唔願意一齊返。直到之後既一日放學，林維軒係whatsapp搵返我，開頭都只係簡單既問候，直到夜晚佢問我可唔可以一齊返，我問佢係咪講緊笑，因為個日正正就係愚人節，佢同我講佢係認真，就係咁我地一齊返。

雖然我地係一齊返，不過感覺好唔同，係學校佢會好主動同我講野，不過一放學就連whatsapp都無個，連續幾日都係咁，我真係受唔住呢種關係。我係夜晚同佢講

我:不如我地都係算啦，我地真係唔適合，連最情侶既基本問候都無，算咩拍拖，做返朋友啦好無？

林維軒:既然你咁講，我尊重你既決定。

睇完佢呢句，我無應到，放低部電話馴覺。點知一起身見到電話顯示左一個whatsapp

"我諗左成晚，我都係唔捨得你離開我，我會好好珍惜你，學識點去做一個令你有安全感既男朋友。"

無錯，呢段野係林維軒同我講既，睇完之後我應左一句

我:你記住你講過既野，唔準反悔。

係，我地"又"一齊返喇，已經第三次，係呢日上堂佢特登調左去我隔離坐，真係放閃無極限，連老師都無眼睇喇。正當我仲沉醉緊呢個幸福既感覺，係一個禮拜後，佢再次講分手。

我:點解？係咪我有咩做錯左？

林維軒:唔係，唔係你既錯，係我覺得爛左既野，點痴都會有裂痕，就好似我地既關係咁，無可能補救得返好似一開始咁，祝你之後會幸福，再見。

睇完，我無再應任何野，我既眼淚已經不斷咁流，因為我知呢次真係完，以佢既性格，佢咁講得就真係要同我斷。我仲好記得之後個日係陸運會，由於前一晚喊得太耐，我呢朝起身隻眼係真係腫得一個點，所以我就戴左口罩去。我係我個班女仔企最後個個，而我隔離既正正就係何逸霖，呢日係同佢同

小欣分左手之後佢第一次同我講返野。

霖：做咩隻眼咁腫？喊完黎？發生咩事呀？

我：我無事。

霖：咁都叫無事？講啦好無，做咩呀？

我：唔好問啦。問你個好兄弟咪知咩事囉。

我唔係唔想講佢知，而係我驚我再提起眼淚又再停唔住嫁喇。

六 心動？

係陸運會完左之後，放完假返黎，miss

ho又話要調我位，原因係覺得我同小欣太多野講，要調開我地兩個，而我個新位正正就係何逸霖隔離，由於我仲處於失戀既狀態，我都唔係好想同佢講野，話晒佢都係林維軒好兄弟。

霖：你仲唔開心呀？我幫你鬧左佢嫁喇，佢依家都有女朋友啦，放低佢啦。

我係咪聽錯？女朋友？我同佢散左個幾日，咁快有女朋友？何逸霖意識到自己講錯野，即刻掩住自己個嘴，可惜已經收唔返，我聽到晒。

我：我同佢好似散左幾日姐，咁快有新女既？邊個黎？我識唔識？

何逸霖一直唔肯講，最後係我威脅下佢先講左話佢新女唔係我地學校既。

聽完之後我打擊好大，我跟住既幾日都無講過野，日日返到去臥係張枱度，何逸霖見到我咁樣，日日不斷唱歌講笑話氹我開心，我個時唔明佢點解要咁做，後來我終於明喇。

有一日，黃俊突然whatsapp我話要搵我幫佢補數，其實我個下覺得好奇怪，印象中佢係無我電話，我都無比過佢，不過個時都無諗咁多，我應承左佢，話晒我都係班入面既標準答案，每次做功課就會炸爆我whatsapp，個個問我擺功課抄答案。

到左約好個日，佢whatsapp我話會遲啲到，叫我上starbucks搵左林維軒先，我個下呆左，黃俊同我講林維軒知道我要幫佢補數又話要黎。我到左見到林維軒，其實我個下真係好尷尬，始於係分左手之後第一次單獨一齊，我地不斷搵唔同話題講，用黎掩蓋大家既尷尬。十五分鐘後，黃俊終於到左，不過名義上係補數，實質上只係大家係度吹水，三個人係條街周圍行，後來林維軒有事走先，得返我同黃俊。

俊：不如上去何逸霖屋企玩啦，好無？

我：無所謂呀，反正依家又無野做。

黃俊打左幾次比何逸霖都無人聽。

俊：算喇，佢唔聽電話，我陪你搭地鐵返屋企啦好無？

我：好啦。

係地鐵度，我同黃俊傾左好多野，佢既感情事，我既感情事，咩都傾一餐。

俊：你知唔知我幾難先擺到你電話號碼，何逸霖係咁問長問短問左成個鐘先比你電話號碼我。

我：咁奇怪既佢。

俊：其實你覺得何逸霖點？點解你唔考慮下佢？

我：一直以黎，我都當佢係朋友，無論咁多呀，加上我又岩岩分左手。

黃俊點一點頭，無講任何野。只怪我個時太遲鈍，後來我先諗到當時點解黃俊會咁問我，因為佢係為何逸霖問，並唔係出於好奇。

到之後個日返到學校，一坐低何逸霖就問我。

霖：黃俊攞你電話號碼做咩？

我：佢問我可唔可以幫佢補數姐。

我講完，何逸霖既表情就好似放下心頭大石咁。

之後既幾日，我既'親戚'到訪，每到依個時候我就會痛不欲生咁，又會亂發脾氣，上堂就因為太痛，堂堂就只係趴左係張枱度，因為學校既醫療室係無任何通風既設施，去到焗死都似，所以我寧願留係課室算。而偏偏老師就不斷叫我起身，坐係隔離既何逸霖就留意到我既情況，就叫老師同周圍既人唔好嘈我，由得我休息。

至此之後，何逸霖就每次都會係我每個月既呢幾日咁樣默默地照顧我。有一次，係上堂時候傾開計，我同佢講我係唔開心既時候就會不斷食野，估唔到就咁佢就記住左，唔止呢樣，係我講過既所有野佢都會記住。

有一次，我因為朝早遲左出門食唔切早餐，返到學校就不斷係度食野，佢就好擔心咁問我係咪唔開心，其實我只係太肚餓姐。其實係呢個時候，我已經開始感覺到佢對自己既關心，只不過係我仲未察覺到自己對佢既感覺。

其實最令我感動既係，佢會記住連我自己都唔會記住既野，就係我黎m既日期，佢每次都會係之前既幾日提我唔好飲凍野，會突然望手錶日期知道我係唔舒服。佢會係我唔開心既時候，係我耳邊唱歌，個時我嫌佢唱歌好難聽，其實只係講笑，我依家好想同佢講，其實佢唱歌好好聽，我好中意佢唱歌。

係佢發燒個日，唯一一次係我照顧返佢轉頭，我幫佢抄晒上堂既筆記，不過由於已經係最後一堂，佢無得早退，係量完體溫返黎，佢就挨左係我膊頭馴著左，睇得出佢已經撐左成日好辛苦，所以去到放學我先敢叫醒佢。自此之後，愈來愈多人問我地係咪情侶，每次佢都答係呀，我地係情侶，我都只可以笑一笑。就連小欣都話我地兩個其實好襯，我開始唔通我真係開始對佢心動？我中意左何逸霖？

七 接近

之後既日子，我同何逸霖愈來愈親密，佢好中意整我塊面，好中意無啦啦係度打下我，曾經聽人講，男仔係好中意成日哈自己中意既女仔，因為想吸引佢注意。

上堂個時，佢問我住邊，我先醒起原來我地一直都唔知對方住邊，原來我地只係相差兩個地鐵站，係大家住既地方一直有條海濱長廊連接住。到後來，我先記得我地細個可能已經見過，因為細個我就係住係佢棟樓既對面。傾傾下，原來佢好中意夜晚去海濱跑步，跑去我屋企個邊，由個日開始，我就由唔做運動，開始為左佢，每日去海濱跑步，為左只係同佢偶遇。

有日我上堂問何逸霖

我：你覺得我長頭髮好睇啲定短頭髮好睇啲？我想剪短頭髮。

霖：其實我覺得短頭髮會襯你多啲。

就係因為佢呢一句，係之後既禮拜日我真係去左剪短我留左三年既長髮。到左禮拜一返學，個個都問我點解剪短頭髮，我就話好熱，想剪短，其實我剪短頭髮有兩個原因。一，係想剪左以前同林維軒既回憶。二，我其實係因為何逸霖，我從來無同人講過，係因為佢。

自從我剪短左頭髮之後，何逸霖就更加中意整我，好中意成日攞亂我個頭。佢成日上上下下堂會鏈住我塊面兩邊，佢成日都話我咁樣好得意，而其實每次聽到，我口就講話厭棄，心入面其實好開心。

我：你唔好咁整我好無呀？瞓覺會流口水嫁。

霖：唔緊要啦，你個懶瞓豬點瞓都會流口水嫁啦，不過你咁既樣真係好得意。

佢就成日咁樣整住我塊面，周圍同你講我好得意，其實個下真係好心動。呢一年，因為有TSA既關係，學校要我地補課，中英數全級分成四組，我同佢係全班數學最好既兩個，因為我係全班第二名，我就只有數學呢一科同佢同組，所以每次我都好期待上數學，偏偏呢一科既補課係最少既。

係最後一堂，個老師無返，而我地全班就緊係自由活動啦，我同Andy傾傾下計，突然有人係後面抱起左我，我都未黎得切反應，全班就係度起哄。

我：你做咩呀？放我落黎呀。

霖：原來你都幾重嫁喎，諗住抱下你睇左你幾重，死肥婆。

之後幾日不斷落大雨，而何逸霖每次落大雨都會請假唔返，原因唔想擔遮太麻煩，佢就係好怕麻煩既一個人。

我呢幾日都係同小欣放學，而小欣就好中意擺我部機黎玩。

小欣：不如你問下何逸霖做咩唔返學啦。

我：唔好啦，咁麻煩，佢唔中意人騷擾佢嫁。

小欣：唉，我幫你問喇。

小欣就擺左我部機問佢點解唔返，突然小欣係輸入欄打左一句'好掛住你'。

我：痴線嫁，唔好sd出去呀。

小欣：無所謂啦，可能佢都掛住你呢。

小欣就摵左傳送，咁岩佢就到站喇。

小欣：我走喇byebye。

我心諗：你就真係走得輕鬆，我望住部機真係唔知點算。

何逸霖'輸入中'

霖：唔好咁掛住我啦，聽日就有得見嫁喇。

其實我真係唔知點面對佢，我真係好尷尬。點知到之後個日考試，佢偏偏就係坐係我隔離，我地一見到面，大家都好尷尬，你眼望我眼咁。到考完一份卷之後，佢終於同我講野。

霖：有無多支鉛芯筆？

我：有呀，比你。

霖：係喎，你琴日做咩無啦啦話掛住我？

其實我個下呆左，我估唔到佢會問我。

我：小欣擺左我部機打嫁，講下笑。

何逸霖無講到任何野，笑左一笑，其實我地大家都已經感覺到大家既感覺。之後大家又變返原本咁，有傾有講，只係大家心入面都多左一份溫暖。

八變質(少甜)

就係教師發展日既一日，諗住自己係屋企煲下劇hea過一日就算啦，點知突然收到何逸霖既whatsapp。

霖：喂，天氣咁熱一齊去游水啦。

我：下，我唔識游水喎。

霖：唔緊要啦，我教你啦。

我應承左佢，我地約左係地鐵站等，佢竟然夠膽死遲到。

我心諗：你竟然夠膽遲到，你黎到仲唔死。

一見到佢黎到，我既怒火即刻無晒，因為見到佢著得好好睇，第一次見佢唔係著校服，雖然只係一件t-shirt加一條牛仔褲，不過真係好好睇，依一刻先發覺原來佢都幾高幾型。

我地一齊行去觀塘泳池，沿途要過一條馬路先到，我無睇到係紅燈諗住過，佢拉返我返行人路。

霖：傻左呀你？紅燈呀依家，唔係喇，捉住你好啲，費事你又唔知做左啲咩傻野。

佢講完就搭住左我膊頭，等綠燈一齊過馬路，到左泳池就各自去更衣室換泳衣，我換完出到泳池，我完全唔認得邊個係佢，佢平時返學gel頭戴眼鏡，依家完全搵唔到佢。正當我一路係度搵佢既時候，原來佢一直企左係我面前。

霖：小姐，你係度搵緊咩呀？

我：搵你囉，你咁既樣我點認得呀？

面前既佢，無戴眼鏡無gel頭，著住條緊身既四角泳褲，原來佢身型都幾好，佢呢個樣真係好迷人。

落到水，因為我地去左室內泳池，水亦比較深，落到水我亦捉住佢唔放，因為我細個係泳池浸親過，三歲既時候自己跳左落去米九既池度，從此之後就好怕水，亦都係我一直學唔識游水既原因。

佢開始教我游水，佢叫我捉住池邊學踢水學浮，而佢就自己游走左，踢踢下我都開始無癮喇，我就挨左係池邊睇佢游水，突然佢係水底度捉住左我，我個下嚇左一嚇。而泳池亦開始多人，有個阿伯一直係我隔離愈挨愈埋，佢留意度即刻拉走左我。

霖：不如走喇，咁多人好逼嫁，我唔想你比人睇蝕晒。

我點一點頭，心入面好溫暖，不禁嘴角笑一笑。返更衣室換完衫之後，我地就講不如去其他泳池。

我：我想玩滑梯，不如去個有滑梯既泳池啦。

霖：好呀，你知邊度有咩？

我擺部電話上網搵下邊個泳池有，比我搵到將軍澳泳池有滑梯玩。

我：不如去呢個啦，又近我地屋企。

霖：好啦，就去呢個啦。

我地行返去地鐵站搭車，其實我一直無食野，好肚餓，一落到車我就同佢講不如去食野先。

我：去食野啦我地，我好肚餓呀。

霖：肚餓又唔一早講，想食咩呀？

我指住對面間甜品舖，同佢講食呢個。我地入到去，佢睇左個餐牌好耐。

我：你諗到食咩未呀？諗咁耐。

霖：無朱古力既？

我：你無岩食呀？咁食過第二間啦。

霖：唔緊要啦，你想食嘛。

佢為左就我，就算無自己岩食既都無怨言，我望住面前既佢係度諗，到底佢對我咁遷就係點解？到食完野之後，我本來諗住AA制比錢，結果佢話

霖：我請你食啦，又唔係好貴。

到比完錢喇，我地就行過去泳池，沿途太陽真係好曬，佢本來帶住頂帽，佢見咁曬就除左頂帽比我帶，佢除左頂帽之後，我見到佢個髮型就好似我初頭識佢個時個菇頭，其實我面前呢個男仔都幾得意。

霖：其實帶帽都幾襯你呀。

之後沿途我地有傾有講，行下行下就到左泳池喇，我地各自換完衫之後就係泳池度等，我一行出去就見到佢企左係度等我喇。佢又再次好似上次咁抱起左我，不過今次係公主抱，我不斷叫佢放低我因為好多人望住。佢放低我之後，我地一齊行上去滑梯個度排隊，排到我地既時候，佢諗住同我一齊落去，結果比職員阻止左。

職員：喂先生，每次只可以一個人玩，你估條滑梯好闊呀？排下個啦。

咁唯有我自己一個玩先啦，我落到去等左好耐都唔見佢，佢突然係後面攞住左我，原來佢係特登嚇我，等我以為佢唔見左。之後我地落返水度，佢都知我學唔識游水，我地都只係池邊度吹下水，佢無啦啦解左我泳衣條帶，我個下嚇左一嚇即刻搵返住件泳衣。佢笑一笑，我真係唔知佢呢個動作有咩含意，於是我轉移左話題。

我：你知唔知我地班有人中意我，同我表左白。

霖：嗯，我知道。

我：不過我無應承佢，因為我中意個個係你。

霖：我知道呀。

佢聽完無乜咩大既反應，就好似係預期中既事咁，我真係開始捉摸唔到佢諗緊啲咩。突然佢問我

霖：你係咪仲係初吻？我可唔可以錫你？

我：我初吻仲係度。

無錯，我當初同林維軒一齊從來無錫過，只係拖手同攬。何逸霖聽完之後

霖：咁算啦，我唔搞你喇。

我心諗：佢到底有咩意思？係因為唔想負責任？定係佢唔想咁快同我發展？

正當我仲諗緊既時候，佢之後既行為令我更加驚訝，佢拉左我坐係佢大牌上面，係呢個時候我感覺到冇啲野頂住左我，原來佢扯左旗。佢係我耳邊問我

霖：不如你幫我打飛機啦。

我：下，我未試過嫁啲。

霖：咁不如你比我屌啦。

我：呢度泳池黎嫁，你痴線嫁？

佢不斷問我，我都無應承，一來我未準備好，二來係呢個地方我真係做唔出。我一直都估唔到佢會咁樣問我，我終於明點解小欣會叫我小心啲佢，何逸霖，你對我咁好就係為左呢一日？定係你真係中意我？

無幾耐放暑假喇，我同佢個日之後無再搵過大家，好似陌生人咁，其實我有諗過係咪我個日應承左佢，我就係佢女朋友？如果依家既我見返呢個我，我真係想擱自己一巴。林允熙，醒下啦。自從呢日之後，林允澈徹底底變左一個另一個人，呢一切都係因為何逸霖既出現，何逸霖係林允熙心目中既地位，從此變得無人可以取代到。

九 你的陌生令我變得放任

成個暑假我地一句野都無講過，無whatsapp無見面，大家消失係對方既生活，唔係，應該係話我消失左係佢既生活，佢依然深深係我腦海度。到中四開學前，返學校攞選科表個日，我終於見到佢一面，我從來無問過佢揀科既野，我最後既一個希望，如果我同佢揀既科完全唔同，我地之後既三年就唔會再有任何交集，因為揀既科代表左我地未來既三年會唔會同班。結果，如我所料。

我：你讀咩科？

霖：物理，Econ。你呢？

我：唔話你知，不過同你唔同啦。

霖：加油啦你。

我：嗯，你都係。

我再諗唔到有咩可以再同佢講，呢個結果呼之欲出，我地點都唔會再有同班既機會，連選修科都無重疊，天都注定我地變成陌路人。其實本來我揀既係econ，就係交表前一日我改左，其實我好後悔當初做左呢一個選擇，就係自己改變左自己既命運。再見喇，何逸霖。

開左學之後，何逸霖係我既隔離班，佢既選修科會去我既課室上，雖然見到面唔會打招呼，一次我返課室攞野，比我發現到，佢選修上堂坐既係我個位，我呆左一呆，望左佢一眼，佢無任何表情，只係企左起身等我攞完野。於是之後個日我就特登係自己張枱度寫左兩句歌詞，希望佢會見到會明。

"我好想你 好想你 就深藏在心"

"像普通舊朋友，還是你依然會心疼我？"

但當落堂既時候，我係課室出面望入去發現，佢已經唔再係坐係我個位，究竟係點解？何逸霖，你真係咁唔想同關於我既一切扯上關係咩？你接近我既目的真係只係為扑野咩？

係中四呢一年，我同左凌詩一班，而佢亦都知道左我中意何逸霖，我將我地發生過既所有野講晒比佢知，凌詩叫我不如問清楚佢啦。

於是我whatsapp何逸霖。

我：我有啲野想問你

霖：咩？

我：其實你有無中意過我？

霖：我都唔知。

我：咁樣算係點？你之前做既野又點解釋？

霖：衝動左，對唔住。

我：對唔住大晒？

霖：咁你想我點？

我真係唔識點答，你可以當咩事都無，一句對唔住就算，而我就繼續on9咁覺得你會變返以前既你，我亦係度呢自己你係中意我既，其實答案已經好明顯啦，只係我自己唔肯去接受。凌詩見到我咁樣，就話幫我同佢傾清楚。

我比左何逸霖電話號碼佢，佢地本來都唔識大家，甚至何逸霖講過話其實唔多中意凌詩，其實凌詩幫我同佢講究竟係咪正確既選擇呢？我唔再諗咁多，只要係可以令佢回心轉意既方法，我咩都會去試。

不過自從上次之後，我徹底地放任自己，毫無底線地玩，我既價值觀亦開始變得不知所謂，我會同一大班男仔飲酒，其實明知自己根本唔飲得，亦唔中意飲，但係其實只係想用酒精黎麻醉自己，無諗過我不但無飲醉，更令你係我腦海度愈來愈清晰。

我開始對於自己既身體，毫無掩飾地係其他人面前表露無遺，我既初吻係玩既時候無左，我亦試過係沙灘除晒上身既衫比人睇，我亦試過比唔同既男仔揸過摸過錫過，因為我覺得遲早都要比人破處既女仔，扮乜撚野矜持。呢個林允熙，係人地眼中連雞都不如啦，只要係做到既，有咩係玩唔起，我開始對愛情呢樣野失去信心，我認為所有男人溝女咪又係為左扑野。其實我知道我有一日可能會玩到身邊人都唔想再理我，但係我只係知道唯有作賤自己，我先覺得我可以脫離到你既陰影。

十 背叛

我有比人靈敏好多倍既第六感，只要係圍繞近排身邊既人同事，我就好易會係夢境中夢到事情之後既經過，包括林維軒聖誕既事，亦係我夢境出現過，而最後成真。而最近我亦有個預感，自從凌詩話幫我之後，我就感覺到佢同何逸霖既關係似乎非比尋常，我曾經夢過幾次佢地兩個拍拖既畫面，我好想話比自己知呢一切都唔係真，但係感覺卻愈來愈清晰。

我忍受唔住自己既不安感，我去問凌詩。

我：你係咪中意左何逸霖？

詩：傻啦，點會呀，佢係你中意嫁，不過佢都係唔太願提起你既野。

我：真係唔會？你唔好呃我啫。

我係呢一刻我選擇信凌詩，而我呢一個信任，係我呢一世人最後悔既一個信任，我失去左兩個對我好重要既人。係之後既禮拜，我有一種好奇怪既感覺，身邊既同學不斷對我指指點點咁，好似係度討論緊我咁，好似有啲野只有我唔知。而凌詩最近放學就成日急急腳咁走，佢亦都以唔同既籍口黎引開我去唔同我地方，我感覺到佢有野隱瞞，而我既第六感話我知，係同何逸霖有關，我大概估到係咩事。

我：你係咪同我何逸霖一齊？答我。

詩：你聽我講，我係驚你黐驚你唔開心先無同你講。

我：你認為你同我坦白會黐啲，定係係人地口中聽返一樣只有我唔知既野黐啲呀？

詩：對唔住。

我：對唔住有用咩？你真係覺得對我唔住既你會同佢一齊咩？你會為左我同佢分手咩？既然你既心目中，你會情願犧牲友情黎換取一段你認為值得既愛情，你會後悔，到時唔好返黎搵我。

就係咁，我同凌詩不歡而散，因為何逸霖，你既出現毀左我原有既生活，只要同你有關既，我永遠都會因此而受傷。不過我始終同你唔係啲咩關係，連前度都不如既一個人，憑咩黎管你既私生活。

祝你地幸福既說話，唔洗旨意我會講，我唔會講得出口，我無咁大方。睇住佢地po既每一張親密合照，我不禁冷笑了，得到一個佢，付出既代價，失去既野往往比你想像既更多。

十一 變心

係佢地一齊既呢半年，我都係會係其他人口中聽到佢地既野，因為佢地一齊左之後就封鎖晒所有我搵到佢地既途經，話咁快我地就升到中五。由於我之前同凌詩frd既時候，我地會共用locker，佢有幾本書依然留左係我度，我逼於無奈之下就whatsapp返佢。

我：你有幾本書仲係我度，我下個禮拜返學比返你。

詩：唔該你。我好想同你講返句對唔住，我真係後悔左。

我：做咩咁講？

詩：我想同佢分手，我同佢根本唔適合。

原來呢個世上真係有性格不合呢個分手理由，因為我地凌詩係全班最高既兩個女仔，永遠係課室都係我同佢坐最後個兩行，佢就坐我後面。禮拜一比返本書佢，佢突然同我係度講佢同何逸霖既問題，其實我真係唔想聽，你已經係我中意佢既時候同左佢一齊，你仲好意思依家同我係度講？直至佢講左一句。

詩：我中意左第二個。

我：下，點解會咁？

詩：佢對我好好，加上呢排我同何逸霖成日嘈交，佢係何逸霖既好兄弟黎，每次係我地嗌交既時候，佢去會安慰我，最後我慢慢就中意左佢。

我心諗：何逸霖身邊既兄弟我都識嫁，都無可能會同佢一齊啦，原來佢身邊啲兄弟又唔同左喇。

我：下，咁你諗住點，你真係同佢無得挽回喇咩？你同何逸霖未分手，你點可能同其他人一齊？

詩：我唔知，你覺得我同佢分手好無？

我：呢啲野你自己決定啦，我都唔多講咁多喇。

其實我預左佢同何逸霖終有一日會分手，所以我都無乜好大既反應，只不過我估唔到佢會中意左第二個。到左幾日後，佢同我講佢已經同何逸霖分左手，仲同左另外個男仔一齊左，凌詩同我講佢忍受唔到何逸霖既脾氣，我聽過好多人講過何逸霖既脾氣好差，但係佢從來都無發過我脾氣，而我成日係度諗點解個個人都咁講呢？我都無再去問凌詩太多，因為我明白佢呢一刻揀左另外一個，證明佢同何逸霖真係唔適合。不過點解人可以變心咁快？

十二生日

凌詩同何逸霖分左手都差唔多一個月喇，差唔多係何逸霖既生日喇，我諗左好耐，我應唔應該同佢講聲生日快樂呢？

我：我同唔同何逸霖講生日快樂好？

小欣：講啦，你地真係想呢一世都唔再有聯絡？你捨得咩？當朋友講一句生日快樂有咩大不了。

我：咁又係既。

係我左諗右諗幾日，就到佢生日喇，我將句生日快樂打左係輸入欄，一直猶豫講唔講好，突然一股勇氣令我搵左傳送。而我諗佢應該會已讀不回既時候，突然傳來佢既一句多謝。

霖：多謝你，我之前換左電話，無儲存到之前既聯絡人，你係？

原來佢無左我既電話號碼，呢一刻我好似放下左心頭大石咁。

我：我係林允曦。

霖：咁我儲存返你電話號碼啦。

我：嗯，你呢排過成點呀？

霖：唉，唔好提喇。

然後佢就開始講返佢同凌詩既野，係佢講既野當中，感覺到佢有好多既不忿，我亦知道左佢地分手既真相。何逸霖亦同我講佢之前一路無聯絡我，都係因為凌詩同佢講我既壞話，令到佢憎我。

霖：對唔住，之前咁對你。

我：唔緊要啦，都過左去喇，咁你依家仲會唔會唔開心？

霖：戴綠帽嗰，你話呢？

我：你地唔係分左手，佢地先一齊咩？

霖：係我地分手之前既一個禮拜，佢地已經一齊左喇。

原來真相並唔係凌詩講既咁，凌詩係因為中意左第二個先會對何逸霖咁多不滿，亦都係因為咁先同何逸霖分手。而正正因為何逸霖既生日，令我地既關係破冰。

十三 比以前更好的關係

就係因為何逸霖既生日，令我地既關係變返以前咁，甚至比以前更加好，因為依家大家唔同班，變左連上班既時間，都會用訊息聯繫，係學校見到面都會打招呼同互相打下大家。佢對我做既野，好似已經超過左朋友之間既關心。由於我好中意買野，佢就成日管我。

霖：你可唔可以唔好成日買咁多野，啲錢都就洗晒喇，你下次買野之前問過我先好買啦。

我：點解要問完你先買？

霖：廢事你一陣又亂買野呀。

眼前既呢一個何逸霖，真係唔同左，變得已經好陌生。

隨住大家聯絡返既日子耐左，大家約出黎見面既時間亦多左，每次大家跑完步，都會一齊食飯。就算有時無約好，都會撞到大家。

有一次我無帶八達通同鎖鑰，返唔到屋企，我同佢講，佢二話不說就叫我上佢屋企度等我屋企人返去，上到佢屋企我就攤左係佢張床度，佢張床有一種只會係佢身上聞到既香味，形容唔到既香味。自從呢次之後，我就記住左去佢屋企既呢條路，因為我知道我仲會再次上黎既。

因為大家住既地方近既關係，大家見到面既時間亦都好多，返學出門搭地鐵既時間亦都一樣，所以經常好見到大家。而就算幾夜都好，都唔會怕無車返唔到屋企，因為就算行都可以行得返自己屋企。

由於學會好多野要籌備，有一段時間我都搞到成十一二點先返屋企，而何逸霖話擔心我自己一個返屋企危險，特登搭地鐵過黎送我返屋企。

霖：咁夜女仔自己一個返屋企咁危險，我送你啦。

我：唔洗啦，你特登過黎咁麻煩。

霖：唔得，我依家過黎，你係地鐵站等我。

最後，我都係聽佢講係地鐵站等佢黎送我返屋企。本來諗住叫佢送到我樓下就算，結果佢堅持要送到我去屋企門口佢先安心。

媽：咁夜既，有人送你返黎？

我：係呀。

結果比我呀媽見到佢，就叫左佢入我屋企度坐。佢係唯一一個見過我屋企人既男仔，亦都係唯一一個我呀媽知道我中意過既男仔。

十四 節日

話咁快又聖誕節喇，由於小欣佳人有約，而我又未有著落，我都係屋企過算喇。點知何逸霖就問我

霖：你聖誕節有咩做呀？

我：無呀，應該都係屋企過嫁喇。

霖：咁得啦，你同我地出黎啦。

我：下，會唔會唔係咁好呀？你地成班男仔。

霖：唔驚啦，你又唔係唔識佢地，就咁話啦。

就係咁，我就應承左平安夜個日同佢地出尖沙咀倒數。

因為我同何逸霖住得近，我地就約埋一齊搭車去，而黃俊佢地就一早去左酒吧度。我同何逸霖搭車去到尖沙咀就一齊行過去尖東海旁個邊既酒吧，其實我一直都唔敢去酒吧，因為自知酒量唔好，仲要今次同成班男仔。佢地個個都一支接一支咁飲，而我就好慢好慢咁飲緊自己支蘋果酒，黃俊見到我咁都忍唔住笑我。

俊：做咩呀你？驚飲醉呀你？唔驚啦，有何逸霖係度，醉左佢會返屋企嫁喇。

我望一望何逸霖，佢又無乜特別反應，繼續係度飲酒。而我地就係酒吧倒數左我地既聖誕節，到左凌晨兩點左右，佢地就話肚餓，之後我地就去左一間24小時既m記食野，食完佢地又話想再繼續飲，佢地就去左7仔買左兩打既啤酒，去附近一個公園飲。

而我從來未試過飲到斷片，只係飲一罐啤酒就會面紅，所以每次飲酒，身邊既人見到我咁都唔比我再飲落去。飲下飲下，黃俊佢地就開始係度發酒癲，而我就繼續係度飲，我身邊既何逸霖就一啲事都無，真係佩服佢酒量咁好。

到左天光喇，大家都開始酒醒喇，我地就行去碼頭m記食個早餐，之後就各自返屋企喇。我同何逸霖一早就講好一齊返屋企，同黃俊佢地道別之後，我地就一齊行返去巴士站等車。

係等車期間。

霖：擺你部電話黎睇野。

我：你想睇咩？

霖：你擺黎先啦。

我比左部電話佢，佢就開始不斷搵唔同既app，好似係度搵緊啲野咁，最後佢搵左入snapchat度，而佢停留左好耐既畫面就係凌詩同佢男朋友既相。我知佢係為左報復，所以佢擺左我部電話同我自拍左一張，po左係我既snapchat my story。

上到車之後，我同佢坐左係上層既最前個排，我扮到好似未酒醒咁，我直接挨左係佢膊頭度瞓，佢就繼續擺我部電話玩，到佢落車既時候，佢叫醒左我同我講再見。雖然成程車不斷搖，而我同佢既高度又唔係好岩，係瞓得麻麻，不過因為呢個係佢既膊頭，所以感覺好溫暖。

而之後既除夕，我一樣係同佢地過，係倒數到0個下我攞住左何逸霖，同佢講左句happy new year。而之後既事已經好模糊，我只記得我係酒吧飲左好多杯，到醒返個時，我已經係何逸霖屋企，無錯，我斷左片。而點解我會係佢屋企，我都唔知。

十五 完結(有甜)

除夕之後，我地都會間唔中約出黎食下飯，我亦都會上下佢屋企睇下佢打機，一直都無咩特別，佢又會有時放下學上我屋企，但估都估唔到竟然會有呢一日發生。

由於有一晚我屋企去全部去晒旅行，得返我自己一個係屋企，我就叫左小欣上黎陪我食夜晚，但由於佢第二日要返學，佢就唔留低陪我瞓，我就諗住叫何逸霖上黎陪我，因為我間屋得自己一個真係好驚。結果佢就話打完波好劫，聽日先搵我，叫我真係驚既話就打比佢。我就開著全屋既燈，聽住燈咁自己瞓覺。

到第二朝，佢一早就whatsapp我，問我上唔上佢度。

霖：喂，你上唔上黎呀？自己一個係屋企咁悶，上我度我陪下你嘛。

我：哦，好呀。

霖：你順便買啲野上黎比我食啦。

結果，我就係佢樓下買左個m記比佢食。之後就直接上左去搵佢，由於上過去太多次，我已經記得佢樓下既密碼，所以佢係從來唔會落黎接我。

上到去佢上網搵左套戲一齊睇，睇睇下我開始有啲眼瞓，我就挨左佢張床度，佢又話眼瞓，結果佢就坐左係我隔離，搭住我膊頭一齊係度睇，睇睇下我地都想瞓喇，我地就熄左電腦，一齊係張床面對面咁瞓。其實大家都瞓唔著，面對面瞓感受住大家既呼吸，好難瞓到，之後佢突然問左我呢一句，我永遠都記得。

霖：既然上次我地無做到，不如今次我地做返啦。

我：你想做咩？

霖：不如我地扑野啦。

其實我一早就預左有呢一日，而且我天真以為扑完野就可以同佢再進一步發展，不過真係我太天真，而我亦都就係咁應承左佢，我既第一次就係咁發生。

我地首先去左沖完涼，我就自動除晒自己既衫，之後就直接佢戴完套就開始喇，咩前戲都無做，直接就黎喇。佢一開始用手指插左落黎，我已經開始好細聲係度呻吟緊，好快我下面已經濕晒喇，佢就轉用條野開始插入黎喇，由於我地兩個都係第一次，無經驗所以大家既技術都好生疏，佢開始插入黎後，我就全程合理眼，一黎我怕望住尷尬，二黎合理眼，我可以掩飾我既恐懼。隨住佢愈插愈入，我既叫聲就愈來愈快同大聲，我感覺到下面有一陣溫暖既感覺，其實全個過程我都無乜痛楚，而我亦無感覺到好似好多人所講既撕裂感覺，我亦懷疑自己係咪未破，而當佢離開左我既身體之後，我地都發現套上面已經沾上血跡。

完事之後，我地沉默左，大家都無講野，後來佢話約左人，要準備出去，而我都準備返屋企。佢無送到我落去搭車，只係之後whatsapp左我一句，叫我唔好同人講今日既事，當咩都無發生過。

其實我都已經心淡左，本來以為性係可以令雙方關係昇華，到最後我發現呢個只係男女關係中既附加品。我發現我自己既一條頸鍊漏左係佢屋企，我叫佢之後返學比返我，其實只係隔離班既距離，佢都只係叫其他人轉交比我，我開始諗佢係咪只係為左呢一日，先會一直以來係我身邊。

由呢日開始，我地既對話由以前既秒回，變成一個鐘一句，更變成每日一句，到後來就已讀不回，我知道呢一個已經係結束。我地無再講過一句野，生活再無任何重疊，各自生活，正式黎講係你有你既生活，我有我繼續活係你既陰影之中。我再也不再相信男人，不再相信真心的愛情，認為拍拖只係為左扑野。

你有你精彩既生活，聽講你有女朋友，請你一定要好好對人，亦要好好照顧你自己，玩要有個限度。呢一番說話，只有我自己諗，從來無同你講過，因為我唔再干擾你既生活。我一直只想知道答案，你愛過我嗎？

-完-

後記

多謝大家一直睇落去，我知自己第一次寫故，文筆唔太好，不過我只想為自己呢幾年同佢既事作一個紀錄。我同佢無再聯絡，佢block晒所有我搵到佢既途徑，我只可以係佢既朋友既相之中見到佢既近況。

雖然自己仲係放唔低，但係我應承過自己唔再干擾佢既生活，可能有啲人睇完會覺得佢完鬆好賤，亦會有啲人認為係我自己擺黎既。而一開頭我係會覺得佢係賤既，但事隔一年，我會覺得自己要為呢個結果付返啲責任，因為條路自己揀，仆街唔好喊。

我只係一個連sp都不如，玩完即棄既人。希望各位可以搵到一個真心對你負責任既人，亦都唔想再有人成為第二個自己，做決定之前要諗下係咪值得去值呢一步。希望可以儘快出到另一個故比大家睇，再一次多謝各位支持